



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

§. 3. Paulum Aurelium excusantem Didymum damnat formularium
Athanasij Presbyteri.

urn:nbn:de:hbz:466:1-39351

*Paulum Aurelium excusantem Didymum
Defensorem Theodoreti damnat Formu-
larium Athanasij Præsbyteri ab hæresi
se purgantis & tria Capitula condem-
nantis apud Gregorium l. 5. epist. 64.*

*Qui correctos se vidèri Volunt, ab omni
suspensione se purgent, & obediendo nobis pro-
bent se esse nostros. S. Leo epist. 88.. Nihil
in verbis eorum obscurum, nihil inveniatur
ambiguum: Ibidem. Et Epist. 5. Errorem
suum, & ipsos erroris Auctores damnari à
se sine ambiguitate fateantur.*

*Leo.
Epist. 86.*

Epist. 85.

S Aluberrimum hoc & Spiritualis medicinæ
utilitate plenissimum dedit Septimio Altino &
Nicetæ Aquilëiensi Episcopis consilium San-
ctissimus Pontifex, ad obviandum versutiæ de
confortio Pelagianorum & Cælestianorum ad
Ecclesiam remeantium. Nequè causâ vacabat.
*Quoniam novimus, ait, hanc istorum esse versu-
tiam, ut in quacumque pericula dogmatis execran-
di, quâ se à damnatorum societate discreverunt,
nihil sibi sensuum suorum existiment esse non saluum.*
Quâpropter præcipit: *Omnia Decreta Synodalia,
quæ ad excisionem hujus hæresos Apostolicæ Sedis
confirmavit Autoritas, amplecti se, & in omnibus
approbare plenè & apertis ac propriâ manu subscrip-
tis protestationibus eloquantur. Nihil in verbis
eorum obscurum, nihil inveniatur ambiguum. Et
alibi: Ut sive Præsbyteri, sive Diaconi, sive alij
cujusvis*

VEROS JANSENISTAS. 615

cujuslibet ordinis Clerici, qui se correctos videri volunt, errorem suum & ipsos erroris Auctores damnari à se sine ambiguitate fateantur. Ut sensibus pravis, & dudum peremptis nulla spirandi supersit occasio, ne ullum membrum Ecclesiæ talium possit Societate violari, cum per omnia illis professio propria cœperit obviare. Ità & in Concilio Chalcedonensi clamant varij Episcopi adversus suspectum de dilecta ab eo Nestorij Personâ Theodoretum Cyri Episcopum: Theodoretus modo Anathematizet Nestorium. Et cum in medium proferret libellos professionis fidei; non contenti Episcopi reposuerunt: Nihil religi volumus, modo Anathematiza Nestorium. Et rursùm sinceritatem fidei suæ probare nixo, reddiderunt iterum Episcopi: Clare dic Anathema Nestorio & dogmatibus ejus. Anathema Nestorio, & amantibus eum. Ac demùm adversus tergiversantem: Iste hæreticus est, iste hæreticus est, iste Nestorianus est, hæreticum foras mittite. Sic verborum Phaleris & fucis mentem suam incrustare pergentem ut suspectum de Nestorianismo abigere voluere. Et hinc tandem Theodoretus palam edixit: Anathema Nestorio, & ei qui non dicit Dei genitricem Virginem Mariam, & qui in duos filios partitur unum filium.

AH. 8.

Lup. in App.
ad AH. 8.
Synod, Chal.

Id Magni Gregorij ætate accidisse meminimus Athanasio Presbytero de hæresi vel leviter suspecto. Joannes Constantinopolitanus Episcopus comperit apud eum Codicem manifesta hæreticæ pravitatis venena continentem, & ob hoc adversus Athanasium vehementer commotus Gregorio Magno rem aperuit. Hic codicis lectione illum interdixit, & ad Monasterium redire permisit, eò quod Athanasius se purgasset libellò propriâ manu perscriptò, in quo fidem tuam, inquit Gregorius, exponens omnes generaliter hæreses, vel quidquid adversus Catholicæ fidei

Monastery.
Iamnaco.

616 EXCURSUS CONTRA

vel professionis integritatem est, apertissime condemnasti: & cuncta quæ Sanctæ quatuor universales Synodi recipiunt, te semper recipisse ac recipere: & quæ condemnant condemnasse, condemnareque professus es. Eam quoque Synodum quæ Justiniani temporibus de tribus Capitulis facta est, & suscipere & custodire promissisti: & prohibitus à nobis codicem ipsum legere, in quo pestifera fraudis virus innexum est, libentissime consensisti, reprobans etiam atque condemnans omnia, quæ contrà Catholicam fidei integritatem in eò dicta vel latenter inserta sunt, nec eum te legere denno promissisti: hæc ratione permoti, postquam ex probatâ à te libelli paginâ fides tua nobis Catholica Deo custodiente perclaruit, ab omni te hæretica perversitatis macula, juxta professionem tuam liberum esse decernimus, atque Catholicum, & sinceræ fidei in omnibus Professore, atque sequacem Christi Jesu Salvatoris gratiâ clausisse pronuntiamus: Liberam quoque tribuimus licentiam ad tuum monasterium in tuò te locò vel ordine remeare.

En quibus sub conditionibus Athanasius à labe sinistrae suspitionis purgatus est, non modò quia 4. Sanctas Synodos, sed quintam, quæ de tribus Capitulis acta est, se suscipere & custodire promissit: Et nemo sanæ mentis Didymo vitio vertet, quod Theodoretum, qui in damnatis à V. Synodo dogmatibus locum habet, ab impactis erroribus purgare contenderit? Sed fors non de damnatis his, sed de aliis affrictis Theodoreto articulis Paulus Aurelius actum voluit, quod non opinor. Sed hoc datò, ineptâ prorsus consecutionis lege exindè deducit, se posse Jansenij Apologistam agere: cum Pentas illa propositionum non à Privatis sit Jansenio affricta, impactaque, sed eadem Authoritate, quâ Synodus V. approbata est, nempe Apostolicâ, Jansenij esse & in Jansenij

senij sensu damnata esse cognoscatur, quæ non plus in Jansenij, quam Theodoret, Iba, Theodori, Nestorij, aliorumque Erronum sensu dijudicando circumscripta fuisse dicenda est.

§. 4.

*Impia perjurij Criminatio Alexandrinæ
Formula impacta ab Avito Academicō,
& Paulo Aurelio, per Iuratam trium
Capitulorum damnationem diluitur.*

*Non omnibus respondendum est Convitijs
potius quam accusationibus tuis, quæ non jam
in me sed in Gregorium aliosque prædicatissimos
Ecclesiæ Doctores fronte impudentissimâ, &
linguâ procacissimâ jacularis. Aug. l. 1. op.
post. cont. Jul. cap. 9. Hoc & alii fecerunt,
quando similiter exierunt. c. 6.*

Pro Jansenio suo, quem Apostolis penè superem habet Panægyris Janseniana, Avitus Academicus ita ineptit: Totò orbe Christianò nigerrimâ contumeliâ afficitur; insons, innocuus, imò *Paranes. pag. 12.* immensâ laude dignus damnatur: & ita quidem (quod omnem enormitatem superat) ut damnatio ejus per falsum testimonium & ferale perjurium facta vel gradus sit ad prensandum Christi Sacerdotium, vel clavis ad intrandum in Ecclesiastica munia, vel deniquè Naufragij tabula, ne quis ab officio exclusus pereat. Obstupefcite cali super hoc, & porta ejus desolamini vehementer. Et alibi: Luctuosissimum & tot criminibus horridum vocat Alexandri Formularium. Paulus Aurelius prologo *Prolog. Galeat. pag. 3.* galcato pro Jansenio asserit, quod per hanc formam apertissima innumeris perjurys pandatur via.